

貢錐指卷第十九

德清胡渭學

錫土姓

傳曰天子建德因生以賜姓謂有德之人生此地以此地名賜之姓以顯之正義曰周語稱帝嘉禹德賜姓曰姒祚四岳賜姓曰姜左傳稱周賜陳胡公之姓爲媯皆是因生賜姓之事臣蒙賜姓其人少矣此事是用賢大者故舉以爲言林氏曰錫土姓者於是始可以疆天下而咸五服也如契封于商錫姓子氏稷封于郇錫姓姬氏亦必在此時黃氏曰舊有土者功高則加錫已有姓非大功夫德不別賜金氏曰永土說平田制既定於是修封建之法各使守其錫土者

賞其功勞定其限制也錫姓者求其勲德輯其分族也封建之來固久經洪水之患則限制多不明有水土之功則庸勞所宜賞此所以修封建之制也當時堯舜在上封建雖非禹所專而實出禹所畫所謂弼成五服者此章以下是也渭按有土則必有氏而賜姓爲難錫土姓謂始封之君有德者也

錫土姓是一事或云舊有土而今始錫姓者蓋亦有之愚謂衆仲云天子建德因生以賜姓此必是始封之君即使舊有土者時亦必改封大國王制云有功德於民者加地進律即其事也

堯時錫土姓之事禹賜姓曰姒氏曰有夏四岳姓

曰姜氏曰有呂見周語契爲商姓子氏棄爲周姓

姬氏見史記五帝本紀其他則無明文秦本紀云

秦之先大費佐舜調馴鳥獸是爲柏翳

即伯益金氏通鑑前編云秦聲

以入爲去故謂益爲翳也

舜賜姓嬴氏而不言其所封夏本紀云禹

立而皋陶卒封其後於英六

英左傳作蓼

而不言賜姓帝

王世紀云皋陶生於曲阜曲阜偃地故帝賜姓曰

偃是伯益皋陶至舜禹即位而後錫土姓也然詩

商頌正義引中候握河紀云堯曰賜爾二三子斯

封稷契皋陶禮記正義引鄭駁異義云堯錫伯夷

姓曰姜禹姓曰姁契姓曰子稷姓曰姬由是言之

則舜賜益姓當在攝政時而英六之封在皋陶卒

後其身豈獨不得封嘉號時亦必有以錫臯陶也
或曰禹言十二師五長各迪有功當徧錫之余曰
八愷八元九官十二牧及諸侯之賢能者固宜並
受其錫不盡於前所云云然太王立德其次章功
功不如德德爲世之所難堪此錫者恐亦不多請
論功行賞事所恒有唯錫土姓爲非常之典故亟
特紀之

左傳隱八年衆仲曰天子建德因生以賜姓胙之
土而命之氏注云立有德以爲諸侯因其所由生
以賜姓謂若舜由嬀汭故陳爲嬀姓報之以土而
命氏曰陳正義云諸侯之氏則國名是也周語曰

帝嘉禹德賜姓曰姒氏曰有夏胙四岳國賜姓曰
姜氏曰有呂亦與賜姓曰嬀命氏曰陳其事同也
天下之廣兆民之衆非君所賜皆有族者人君之
賜姓賜族爲此姓此族之始祖耳其不賜者各從
父之姓族非復人人賜也晉語稱黃帝之子二十
五人其得姓者十二人當作十四人天子之子尚不得姓
況餘人哉固當從其父耳黃帝之子兄弟異姓周
之子孫皆姓姬者古今不同質文代革周尚文欲
令子孫相親故不使別姓其賜姓者唯外姓嬀滿
之徒耳渭按此疏最爲詳晰諸侯之氏即其國名
有土則有氏故經不言氏其所重在賜姓姓非有

德者不得賜天下有有土而不錫姓者矣未有錫姓而無土者也

左傳正義又云姓者生也以此爲祖令之相生雖下及百世而所姓不改族者屬也與其子孫共相連屬則各自立氏禮記大傳曰繫之以姓而弗別百世而婚姻不通者周道然也是言子孫當共姓也其上文云庶姓別於上而戚單於下

戚親也單盡也

是言

子孫當別氏也謂之庶姓者以始祖爲正姓高祖爲庶姓亦氏族之別名耳渭按此與賜姓命氏全無交涉大傳曰四世而緦服之窮也五世袒免殺同姓也六世親屬竭矣其庶姓別於上而戚單於

下昏姻可以通乎

殷人五世以後可以通婚故記者設問六世親盡別自為宗周道亦可以通婚乎

繫之

以姓而弗別綴之以食而弗殊雖百世而昏姻不

通者周道然也

此答問之辭周道然者言異於殷也

鄭注云世所由生周之

所建者長也姓正姓也始祖為正姓高祖為庶姓

繫之弗別謂若今宗室屬籍也正義云正姓若周

姓姬本於黃帝齊姓姜本於炎帝是也庶姓若魯

之三桓鄭之七穆是也竊推鄭意正姓即大宗下

文所謂別子之後百世不遷者也庶姓即小宗下

文所謂宗其繼高祖者五世則遷者也

五世則遷即周云庶單於下

凡為諸侯大夫者皆然其天子賜姓諸侯賜族饗

非常之典惟其功德初不論世數與大傳義不同

孔氏既以此釋大傳復移以證衆仲之言而張子
韶遂據之以釋禹貢曰錫土者命之氏而遠及支
庶錫姓者因其所生而以傳正適不容有兩人愚
竊以爲不然諸侯之氏即其國名管蔡邲霍邢晉
應韓之屬是也公子之後以王父字爲氏魯三桓
鄭七穆之屬是也古者男子稱氏婦人稱姓生則
以姓配氏如子氏姜氏死則以謚配姓如成風敬嬴男子但不稱
姓耳身即爲支庶豈不得姓其先人之姓諸姬之
於王室三桓七穆之於公室雖別氏而其姓則同
正所謂繫之以姓而弗別雖百世而昏姻不通者
何言姓獨傳正適而不及支庶也哉

經傳言庶姓者三大傳其一也周禮司儀詔王儀
一南鄉見諸侯土揖庶姓時揖異姓天揖同姓鄭注
一云庶姓無親者也異姓昏姻也左傳隱十一年滕
侯曰薛庶姓也我不可以後之杜注云庶姓非周
之同姓此三者皆與錫土姓之義無涉庶姓別於
上上謂高祖故鄭云高祖爲庶姓戚單于下下謂
六世孫也孔以庶姓爲氏族之別名然則公之子
曰公子公子之子曰公孫公孫之子賜族者以王
父氏爲字并其先君數之亦止四世親屬未竭何
以遽別氏乎可見別氏者皆由時君賜之以顯其
先人之功德或賜或不賜非世數所得而限也

公子之後

有竟不得賜者仍以國氏春秋鄭注有無家
後宋湖外則鄭詹言擊郊庶其界義之類是也

晉語黃帝以姬水成炎帝以姜水成成謂所生長以成功也成而

翼德故黃帝為姬炎帝為姜同德者同姓翼德者異姓此因生賜姓

之始也鄭駁異義云炎帝姓姜太皞所賜黃帝姓姬炎帝所賜黃帝之子二十五宗其

得姓者十四人為十二姓姬酉祁己滕葦任荀傳

信保依是也韋昭曰得姓以德居官而賜之姓也

謂十四人而二人為姬二人為己故十二姓也青陽

與夷鼓皆為己姓主蔡墨言五行之官皆列受氏姓封為

上公實少皞顓頊之後史伯言黎為高辛氏火正

其後八姓歷事夏商曰己董彭禿妘曹斟芊黎即

祝融五官之一也然則高辛之世賜姓命氏之事

桀可知已堯時洪水初平大封以褒明德故禹貢
特書自是之後唯舜賜颺叔安裔子之姓曰董氏
曰豢龍著在左傳丹朱之後爲狸姓見於周語蓋
亦舜賜之夏商之事無聞焉周之賜姓獨一媯滿
餘無可考而諸姬無一賜姓者蓋周道同姓雖百
世而昏姻不通苟賜之姓則不能禁其通昏矣叔
詹曰男女同姓其生不蕃子產曰內官不及同姓
其生不殖先王敬宗收族旣欲防嫌亦期廣嗣故
不復賜也

三代以上姓氏判而爲二三代以下姓氏混而爲
一凡公族不得氏者異邦收稱之則以其國爲氏

亡國之餘亦然春秋時諸鄭詹莒拏邾庶其鄭丹
宋朝陳恒蔡墨邠甲之類戰國時若宋牼宋句踐
曹交繡鞅蔡澤陳軫毛遂茅焦之類皆以國氏然
未嘗以氏爲姓其混而爲一自司馬遷始也遷采

世本以爲史記

漢藝文志春秋家有世本十五篇古史官記黃帝以來訖春秋時諸侯大夫鄭駁異義云姓者所以

統繫百世使不相別也氏者所以別子孫之所出故世本之篇言姓則在上言氏則在下也

於五帝本紀則曰

禹姓姁氏契姓子氏棄姓姬氏於秦本紀則曰柏
翳姓嬴氏於始皇本紀則曰姓趙氏於高祖本紀
則曰姓劉氏而姓氏之別素矣其於夏本紀又曰
禹爲姁姓其後分封用國爲姓故有夏后氏有扈
氏有男氏斟尋氏彤城氏褒氏費氏杞氏繒氏辛

氏冥氏斟氏戈氏於殷本紀則曰契為子姓其後

分封以國為姓有殷氏來氏宋氏空桐氏雅氏北

殷氏目夷氏凡此類皆夏殷子孫分封之國名猶

富辰所舉文昭武穆周公之肩二十六國也用國

為姓昉於秦漢古時但謂之氏豈姓也哉至若成

王分唐叔以懷姓九宗懷姓唐之餘民九宗一姓為九族分魯公以殷

民六族條氏徐氏蕭氏索氏長勺氏尾勺氏分康叔以殷民七族陶氏施氏繁氏錡氏

樊氏饒氏終葵氏是皆夏殷列國之公姓受氏以守宗昉者

猶魯之三桓鄭之世穆與有扈斟專空桐目夷等

又不可同類而語矣

德先不距朕行

傳曰台我也常自以敬我德爲先則天下無距違我
行者王氏炎曰曰台曰朕皆禹自言指台朕爲堯舜
恭經意也金氏曰禹旣任天下之事則率屬倡牧儀
刑百辟者固其職此所以祇敬我德以爲率先而其
符諸侯自無所違距也周公謂作周乎先是也
自冀州以下皆善政養民之事自錫土姓以下皆
善教化民之事成賦中邦所謂善政得民財也聲教
訖于四海所謂善教得民心也

金吉甫云台朕指禹也如春秋我魯也此義亦通
然以爲史辭終不若作禹自言爲妙古者上下得
通稱朕臯陶曰朕言惠可底行伊尹曰朕哉自毫

周公曰朕復子則辟屈原曰朕皇考曰伯庸是也
至秦始以爲天子自稱之辭

此二句氣脈聯貫直至聲教訖于四海而止皆禹
弼成五服外薄四海之事呂伯恭云史官恐後世
見禹之胼胝遂以爲禹惟有力故以德表之此作
書之要陳壽翁云禹貢一書雖紀平水土制貢賦
之事而有躬行教化之精微寓焉曰祇台德先不
距朕行躬行心得以爲教化之本者也後之山經
地志與夫財用之書有是哉渭按此等議論自是
洛閩家法愚竊以爲不然展禽曰禹能以德修鯀
之功劉子曰美哉禹勛明德遠矣當平水土時非

德何以致功然經意自有所達禹之不距朕行猶
舜之無爲而治也恭已在紹堯得人之後祇德在
任土作貢之後非謂前此不用祇德也但至此地
平天成六府三事允治更無所爲惟有祇德之可
言耳謂禹貢之妙異於山經地志財用之書者全
在此處予未敢信

百里甸服

釋文甸
七編反

傳曰規方千里之內謂之甸服爲天子服治田去王
城四面五百里正義曰旣言九州同風法壤成賦而
四海之內路有遠近更敘弼成五服之事甸侯綏要
荒五服之名堯之舊制洪水旣平之後禹乃爲之節

文使賦役有恒職掌分定先王規方千里以爲甸服周語文王制亦云千里之內曰甸鄭玄云服治田出穀稅也言甸者主治田故服名甸也林氏曰王制天子之田方千里公侯方百里伯七十里子男五十里此服之內主爲天子治田而輸之於上故以甸服爲名蔡氏曰甸田服事也以皆田賦之事故謂之甸服渭按五千里之內皆供王事故通謂之服而甸服則主爲天子治田出穀者也

王氏云甸者井牧其地之謂王所自治也呂氏云四井爲邑四邑爲丘四丘爲甸甸之一字見得井牧之法蓋此已成渭按詩小雅信彼南山維禹甸